



## Upozorenje za građane

Pokazatelji mjerenja zagađujućih tvari u zraku na području Kantona Sarajevo bilježe prekoračenja koncentracija PM<sub>10</sub> (dozvoljeno 50 µg/m<sup>3</sup>) na svim mjernim stanicama za prvu epizodu "PRIPRAVNOSTI" koja je trenutno na snazi prema odredbama Plana interventnih mjera u slučajevima prekomjerne zagađenosti u Kantonu Sarajevo.

### Izmjerene vrijednosti koncentracija PM<sub>10</sub> za 20.12.2018. do 18,00:

- poluautomatska stanica "Otoka" **253** µg/m<sup>3</sup>
- automatska stanica "Vijećnica" **171** µg/m<sup>3</sup>
- mobilna stanica "Ilidža" **98** µg/m<sup>3</sup> (mikrograma po metru kubnom).
- automatska stanica "Ilijaš" **369** µg/m<sup>3</sup>

Prosječna dnevna koncentracija **sumpordioksida na lokalitetu Ilijaša** je do 18,00 izmjerena iznosila je **180 µg/m<sup>3</sup>**.

Ostali praćeni parametri za ovaj period bilježe porast koncentracija ali ne i prekoračenja za tolerantne vrijednosti propisane Pravilnikom o načinu vršenja monitoringa kvaliteta zraka i definiranju vrsta zagađujućih materija, graničnih vrijednosti i drugih standarda kvaliteta zraka (Sl. list BiH broj: 01/12 od 06.01.2012. godine).

Preporuke za građane su da maksimalno smanje kretanje na otvorenom i izlaganje na što je moguće manju mjeru za ovaj period povišenih koncentracija prašine tokom današnjeg dana ali i sutrašnjeg dana. Preporuke se naročito odnose na trudnice, starije osobe, djecu predškolskog uzrasta i hronične bolesnike.

Apeluje se na građane, naročito sa disajnim poteškoćama, da smanje maksimalno svoje kretanje naročito u večernjim satima kada dolazi do daljnjeg pogoršanja kvaliteta zraka jer su tada u zraku koncentracije ovih čestice najviše što može ostaviti negativne posljedice i na zdravu populaciju.

Prema mjerenjima najteža situacija kada je u pitanju zagađenje zraka je u dijelu koji pokriva automatska stanica u Ilijašu gdje se preporučuje i za zdravu populaciju maksimalno smanjeno kretanje na otvorenom kao i provjetranje prostorija u periodima ovako visokih koncentracija sumpordioksida i čestica prašine PM<sub>10</sub>.

Prema sinoptičkim pokazateljima ne očekuje se značajnije poboljšanje kvaliteta zraka ni tokom sutrašnjeg dana.

Više informacija o mjerama samozaštite građani mogu naći u prilogu: "Zdravstvene preporuke rizičnim grupama stanovništva kod povećanih koncentracija zagađujućih materija u zraku u Kantonu Sarajevo".

Izmjerene vrijednosti praćenih polutanata kao i najnovija obavještenja vezana za kvalitet zraka mogu se pratiti na stranici <http://kvalitetzraka.ba/>.

J.U. Zavod za javno zdravstvo Kantona Sarajevo će nastaviti kontinuirano vršiti mjerenja i obavještavati građane o svim eventualnim promjenama.

**Sarajevo, 20.12.2018. godine**

**J.U. ZAVOD ZA JAVNO ZDRAVSTVO  
KANTONA SARAJEVO**



Adresa: dr. Mustafe Pintola br.1, 71210 Ilidža  
Tel/fax: 627-889; 624-470  
web: <http://www.zzjzks.ba>  
e-mail: [gzavod@bih.net.ba](mailto:gzavod@bih.net.ba)

